



KEMENTERIAN PERDAGANGAN ANTARABANGSA DAN INDUSTRI
MINISTRY OF INTERNATIONAL TRADE AND INDUSTRY

Menara Perdagangan Antarabangsa dan Industri,
No.7, Jalan Sultan Haji Ahmad Shah,
50480 Kuala Lumpur,
MALAYSIA

Tel : 603 8000 8000
Faks (Fax) : 603 6206 4693
Laman Web (Web) : www.miti.gov.my
E-mel (E-mail) : webmiti@miti.gov.my

No. Rujukan: MITI.700-1/3/16 JLD.8

Tarikh: 18 Julai 2022

Edaran seperti di **Lampiran A**

YBhg. Datuk Seri/ Dato'Sri/ Datuk/ Dato'/ Tuan/ Puan,

**PENANGGUHAN PEMATUHAN SYARAT PENGGAJIAN GUNA TENAGA 80:20
DALAM LESEN PENGILANG**

Dengan segala hormatnya saya merujuk kepada perkara di atas.

2. Kementerian Perdagangan Antarabangsa dan Industri (MITI) mengambil maklum keperluan mendesak industri pembuatan susulan moratorium penggajian pekerja asing selama dua (2) tahun akibat pandemik COVID-19 dan isu kekurangan tenaga kerja yang dibangkitkan oleh pihak industri.

3. Sepertimana YBhg. Tan Sri/ Datuk Seri/ Dato' Sri/ Datuk/ Dato'/ Tuan/ Puan sedia maklum, salah satu syarat yang ditetapkan dalam Lesen Pengilang yang dikeluarkan oleh MITI mulai tahun 2016 adalah syarat penggajian gunatenaga sepenuh masa sekurang-kurangnya 80% rakyat Malaysia (80:20) yang perlu dipatuhi selewat-lewatnya pada 31 Disember 2022. Sementara itu, penggajian rakyat asing termasuk pekerja yang diperolehi melalui penyumberan luar adalah tertakluk kepada dasar semasa.

4. Berdasarkan perkembangan semasa di mana sektor pembuatan memaklumkan disebalik pelbagai usaha telah dilaksanakan, industri masih menghadapi isu mendapatkan tenaga kerja tempatan yang menjejaskan kesinambungan dan daya saing perniagaan. Sehubungan itu, Kerajaan telah memutuskan supaya pematuhan syarat penggajian gunatenaga sepenuh masa dalam Lesen Pengilang yang dikeluarkan oleh MITI **ditangguhkan sehingga 31 Disember 2024.**

5. Dalam pada itu, MITI ingin menekankan kepentingan agar pihak industri terus mempergiatkan usaha ke arah penciptaan dan penempatan pekerjaan untuk rakyat tempatan serta mengambil inisiatif untuk meningkatkan tahap proses automasi.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

Saya yang menjalankan amanah,


(DATO' SRI NORAZMAN AYOB)

Timbalan Ketua Setiausaha (Industri)

b.p Ketua Setiausaha

Kementerian Perdagangan Antarabangsa dan Industri